

Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 2. An validum sit votum ineundi matrimonium, editum ab eo, qui ob
graves carnis tentationes in perpetuo periculo versatur graviter labendi?

urn:nbn:de:hbz:466:1-41144

ratoria, & Ecclesiæ utilissima alias
impedirentur.

500 Ex hisce duabus sententiis prior
est valde probabilis. Posterior
communior, ac probabilior, & in
praxi consulenda, petendaque
dispensatio, si emittentes talia vo-
ta, contrahere velint, prout notat
etiam Trullech. adversarius
l. 2. c. 2. dub. 5. cum aliis, idque
ut ait Bonac. l. c. ad varia incom-
moda, & fraudes cavendas.

501 Ad 2. Q. Notandum est, ma-
trimonium ex se, & ordinariè, nisi
aliis vestiatur circumstantiis, non
esse materiam voti, ut constat ex
Apostolo *1. ad cor. 7.* & Trident.
Sess. 24. Can. 10. quia Status con-
tinentiae matrimonio oppositus me-
lior, ac beatior est, si quidem ani-
mum à curis secularibus, & car-
nis voluptatibus liberum, magis-
que expeditum reddit ad servien-
dum Domino Deo; votum autem
est promissio melioris iboni, teste
S. Thom. *2. 2. q. 88. a. 2. corp.*
fin. quem omnes sequuntur. Dixi
ex se, & nisi aliis circumstantiis
vestiatur; nam 1. excipitur casus,
quo ex tali matrimonio speraretur
utilitas maxima totius Reipu-
blicæ; quia v. g. ex eo pendet
pax inter Christianos Principes,
haeticorum, aut infidelium con-
versio, vel Catholicæ Religionis
conservatio in aliquo Regno &c.
quia tunc utilis est ad Dei ho-
norem matrimonium inire. 2. Ex-

cipitur casus, quo matrimonium
esset in præcepto, ut si vovens
sine gravi injuria, aut gravi infas-
tatione sponsæ, & liberorum
ex ea susceptorum, à sponsali-
bus recedere non posset, quia
tunc præstantius est matrimonium,
cum sit sub præcepto. An
autem validum sit votum, con-
trahendi matrimonium, quando
vovens illud assumit in remedium
concupiscentiæ, eò quod se nimis
fragilem, & ad lapsum pronum
experiatur, dubium est, & contro-
versum inter DD. ubi

Multi, praesertim neoterici,
cum Soto *l. 7. de Just. q. 1. a. 3.* &
Aragon. *2. 2. q. 88. a. 2. fol. 982.*
col. 2. censem tale votum, à pro-
clivi in carnis lapsum editum, irri-
tum, & nullum esse. Mov. n-
tur. 1. Quia illicitum est uti ma-
trimonio vitandæ fornicationis
gratiæ, teste D. Th. *4. d. 31. q.*
2. ad 2. eò quod matrimonium
non sit ad hoc institutum: ergo
dirigere matrimonium ad hunc
finem est peccaminosum, & per
consequens votum de ineundo
matrimonio ob hunc finem, irri-
tum erit. 2. Quia obligare se
voto ad superandas tentationes,
ex una parte est spiritui sancto
viam precludere, ne perfectiora,
& efficaciora media inspiret ad eam
finem consequendum; ex altera
parte ita vovens reddit se impo-
tentem in perpetuum ad conti-
nentia, & Religionis Statum, cum

Zzz 2 tamen

tamen tentationes illæ cessare possint, 3. Quia non obstante voto de matrimonio ineundo, licitum est taliter voventi ingredi Religionem: ergo tale votum irritum est, & minimè obligatorium.

502 Alii è contrà complures cum Cajetano 2. 2. q. 88. a. 1. dub. ult. Navar. Sum. c. 12. n. 43. Molin. to. 1. de Just. tr. 2. D. 149. Bellarm. 1. 2. de Monach. c. 14. Suarez 1. 2. de voto, cap. 9. Sanch. 1. 1. de matr. D. 4. n. 7. Azor 1. 11. c 14. q. 9. aliusque affirmant, votum matrimonii contrahendi ab ejusmodi homine ad peccandum prono editum, validum esse, & obligatorium. Ratio est. 1. Quia ducere uxorem homini ad Venerem proclivi melius est, & consulendum juxta illud D. Pauli 1. ad Cor. 7. melius est nubere, quam uri: ergo tale votum, tanquam de meliori bono, validum, & firmum erit. 2. Quia quid gratius Deo sit, & ad ejus honorem, non est defumendum & judicandum ex eo, quod aliquid in universali, & in se consideratum, præstantius, & melius sit, sed quid hinc & nunc præstet, & melius sit relatè ad ipsum voventem, cum actus humani ex circumstantiis adjunctis bonitatem, aut malitiam fortiantur: atqui huic homini attentis omnibus circumstantiis melius est uxorem ducere: ergo validum erit votum.

Conf. quia quilibet doctus, & prudens Confessarius, ut ait Sanch, citt. attenta fragilitate talis hominis, lapsuūmque frequentiā obligaret eum ad id, nisi Religionem eligeret, etiam si votum non emisisset: ergo multò magis voto emisso. Unde ad fundamenta contrariæ sententiae satis probabilis.

Respondent. Ad 1. peccatum esse uti matrimonio ad vitandam fornicationem, quando alia via facilè vitari potest; secùs quando difficile esset, & arduum, uti in casu præsenti. Ad 2. R. quamvis votum matrimonii ex se majora bona impedit; secùs tamen est in hoc homine, & spectatis præsentibus circumstantiis. Nec obest, quod per hoc impotens efficiatur ad statum continentia; nam hoc est illi præstantius, & hinc & nunc melius. Ad 3. N. conseq. nam & spontalia, & matrimonium ratum, & votum perpetuò serviendi Xenodochio valida sunt, quamvis iis non obstantibus licitum sit Religionem profiteri.

Et hæc sententia probabilior ⁵⁰³ est sententiā priore, majorique nititur autoritate.

Præplacet tamen opinio Less. 1. 2. c. 40. dub. 5. Palai de oblig. voti D. 1. pun. 8. Coninck tom. 2. D.

22. dub. 10. Laym. l.c. qui sub distinctione respondent, ajuntque votum ineundi matrimonium, editum ab homine fragili, & in lapsus carnis propenso, non esse quidem validum absolute loquendo, & simpliciter, quia talis potest adhibere alia remedia gratoria, & sufficientia ad vivendum in Cœlibatu, qui est Status melior, & perfectior Statu matrimoniali; valere autem sub conditione & suppositione, quod in tali peccandi Statu perseveret, & nolit adhibere alia media ad castè vivendum extrâ matrimonium. Si quidem matrimonium eâ solum ratione tali homini utilius esse potest, quam Cœlibatus, quatenus est medium ad tentationes vincendas, & lapsus cavendos: atqui non est unicum medium, cum sint plura Divinæ voluntati gratioria, & acceptiora media, quæ potest adhibere: ergo si illis uti vult, non obligatur medium matrimonii assumere; adeoque solum obligari potest casu, quo nolit uti aliis mediis; quæ proin est solum quædam conditionalis obligatio, quam pro sua voluntate potest infringere; non enim talis, qui vovet matrimonium, tenetur juxta hanc sententiam absolute adhibere alia media ad castè vivendum conducentia, sed potest matrimonium adhibere: & hinc votum de matrimonio ineundo ex hypothesi, quod vovens aliis meis uti nolit, valebit. Unde ne-

que Apostolus absolutè dixit melius esse nubere, quam uiri; sed ex hypothesi; si se non continent, nubant: melius est enim nubere quam uiri,

Ad 3. Q. An redeunte obliga- 504
tione prioris materiæ commutatæ, eo quod non integrè, sed in parte facta sit, seu in ordine dum taxat ad aliquem effectum, v. g. ad contrahendum matrimonium, extinguatur obligatio materiæ subrogatae? respondet Sanch. l. 4.
Sum. cap. 55. n. 21. Non extingui loquendo de commutatione hujusmodi voti castitatis, secùs in in aliis commutationibus temporaneis.

Rationem deponit ex tenore litterarum, quibus Pontifex Confessario facultatem concedit ad hæc vota dispensanda, ubi ait: dispensando commutes in frequentiam Sacramentalis Confessionis, singulis scilicet mensibus, vel quoties tibi videbitur, & in alia pœnitentiæ opera à te injungenda, inter quæ sint aliqua pietatis opera, quæ quotidie facere teneatur ad eum finem, ut adimplens meminisse semper possit obligationis, quâ ejusmodi voto astringebatur: atqui hujusmodi vocabula *singulis mensibus, quotidie, semper important*, inquit Sanch. quædam perpetuitatem: ergo ex mente Pontificis sunt opera pietatis perpetuò peragen-

Zzz 3 da;